



20 JUN, 2024

## Durian segar kini boleh dieksport ke China

Sinar Harian, Malaysia

Page 1 of 2

### Durian segar kini boleh dieksport ke China

**MOHAMAD**

**SHAH ALAM** - Kementerian Pertanian dan Keterjaminan Makanan (KPKM) telah memeterai Protokol Keperluan Fitosanitari Pengeksportan Buah Durian Segar dari Malaysia ke China.

Menterinya, Datuk Seri Mohamad Sabu berkata, melalui pemeteraian tersebut, ruang pasaran

eksport baharu bagi durian segar dari Malaysia ke China telah dibuka.

"KPKM yakin pelaksanaan protokol ini akan menggalakkan perkembangan industri tanaman durian tempatan dan membuka peluang kepada lebih 63,000 pengusaha durian seluruh negara.

"Melalui protokol ini juga, pengusaha durian yang berdaftar dan mendapat kelulusan daripada Pentadbiran Am Kastam China (GACC) berdasarkan pematuhan kepada syarat-syarat dalam Protokol tersebut dibenarkan untuk mengeksport durian segar ke negara China," katanya dalam satu kenyataan pada Rabu.

Mengulas lanjut, Mohamad berkata, Malaysia sebelum ini telah diberikan akses pasaran eksport ke China bagi durian dalam bentuk ulas dan pes pada tahun 2011 dan durian sejuk beku dalam bentuk biji pada tahun 2018.

"Tambahan akses durian segar ini akan mengembangkan industri tanaman durian tempatan dan meningkatkan nilai eksport agromakanan ke luar negara.

"Untuk rekod, dalam tempoh lima tahun dari 2018 hingga 2022, jumlah nilai eksport durian ke luar negara telah berkembang sebanyak 256.3 peratus atau peningkatan sebanyak RM822.8 juta," ujarnya.



20 JUN, 2024

## Durian segar kini boleh dieksport ke China

Sinar Harian, Malaysia

Page 2 of 2

### SUMMARIES

SHAH ALAM - Kementerian Pertanian dan Keterjaminan Makanan (KPKM) telah memeterai Protokol Keperluan Fitosanitari Pengeksportan Buah Durian Segar dari Malaysia ke China. Menterinya, Datuk Seri Mohamad Sabu berkata, melalui pemeteraian tersebut, ruang pasaran eksport baharu bagi durian segar dari Malaysia ke China telah dibuka. "KPKM yakin pelaksanaan protokol ini akan menggalakkan perkembangan industri tanaman durian tempatan dan membuka peluang kepada lebih 63,000 pengusaha durian seluruh negara.